

AKASHVANI AIZAWL
REGIONAL NEWS BULLETIN

HEADLINES (EVENING)

- 1. Larsap Gen (Rtd) VK Singh chuan hmeichhe naupangte chu zirna ngaipawimawh turin a fuih.
- 2. Nimin atanga Ruah nasa taka sur avangin, Champhai khawpui chhung ah nunphung ati buaiin inkal pawh theiloin hmun tam tak a awm phah.
- 3. State 4-a Assembly bial 5-a by-election neihah BJP, Cong leh TMC-in seat 1 theuh la-in Aam Aadmi Party-in seat 2 an la.
- 4. Syria rama thih chilha Kristian Biak In beihna thlengah mi 20 chuang an thi



BETI BACHAO BETI PADHAO/GOVERNOR

Larsap Gen (Rtd) VK Singh chuan hmeichhe naupangte chu zirna ngaipawimawh tura fuihin an tan khawtlang, Mizoram state leh India ram chu nghet takin a ding zel dawn a ti.

Wawiina State Hub for Empowerment of Women (SHEW), Directorate of Women & Child Development buatsaih State Level Beti Bachao Beti Padhao Plantation Drive, 2025, MINECO, Aizawla a hmanpuinaah Larsap chuan he thu hi a sawi a. Sawrkar laipui hmalakna Mission Shakti kaltlanga Beti Bachao Beti Padhao puala thingphun chuan hmeichhe naupangte hmasawwna tur leh environment tha nei tura hmalakna ngaihpawimawh a tulzia a entir a ni, a ti a. Mizoram hmeichhiate chhuanawm a tih thu leh State leh ram hmel tidanglam theitu an nih theih thu tarlangin, India ram intodelh leh changkang 'Vikshit Bharat 2047' puitlin thei tura pawimawh tak an nih thu a sawi bawh a ni.

Byte of Governor....

Social Welfare, Women & Child Development Minister Pi Lalrinpuii chuan Mizoram in Sex Ratio at Birth dinmun tha tak, national level aia tha zawk kum 2022-23 ah 935 leh kum 2023-24 ah 956 a neih thu a sawi a. Beti Bachao Beti Padhoa chungchang inzirtirna nasa taka kalpui a nih thu

tarlangin, nikumah IEC tiam lovin mi 70,208 te hnenah zirtirna pek a nih thu leh plantation drive pawh tum 54 neih a nih thu a sawi a ni.

<><><>

MIZORAM TIPPER ASSN

NH-06 leh 306, Kawnpui leh Sairang inkar kawng a chhiat lutuk avangin Mizoram Tipper Assn (MTA), Kolasib District Hqrs chuan Ningani khian hnatlangpui an ko a,

Kawng chhe zual lai te hi lirthei vei vak ten lungmuang taka an zawh theihna tura hnawh a nih hma chuan hemi ni atang hian tiam chin awm lovin lirthei eng chi mah in he Kawng hi zawh lo turin an ngen tih an sawi a. Zawh lui an awm anih chuan an chungah harsatna engpawh thleng se MTA chuan mawh a phur lovang, an ti.

(BYTE)

Mizoram Tipper Assn (MTA), Kolasib District Hqrs hruaitute hian vawiin khan Kolasib MJA Press Club ah Press Conference neiin, Kawngpui chhia siam that hnatlangpui neih an tum thu hi an puang a. Mizoram châk lâkna kawngpui Kawnpui leh Sairang inkar kawng chu a chhiat tawh avanga Kolasib DC hnenah rawtna an thlen tawh chu bawhzuiin ni 19 khan MTA hruaitute kaihhruaina in Kolasib leh Sairang inkar kawngpuia Mizoram PWD & NHIDCL te hnathawh dan a hmunah an enfiah tih an sawi a. An hnathawh hi a chak lovin an thawk muang hle an ti a, lirthei tana zawh hlauhawm leh chhiatna nasa zawk thleng thei dinhmunah a awm mek a, tunah pawh lirthei khalhtute leh neituten harsatna namen lo an tawk mek tih an sawi. Hetiang ani chung a rit phur chung a he Kawng zawh luih hian Motor chhiatna leh Oil manah sum sen a tam phah a, hei hian Motor hman man a ti sang thin a, a tuartu chu mipuite an ni, an ti.

MTA hruaituten an sawi dan in Kawng siam hnatlangpui an neih tur hi Mizoram Truck Owners Assn. Hqrs., Mizoram Truck Drivers Assn. Hqrs., Mizoram Oil Tanker Drivers Assn., Mizoram Indane Drivers Assn., Kolasib District Vehicle Owners & Drivers Assn JAC leh lirthei enkawltu pawl thenkhatin an thlawp a. Harsatna dang a thlen loh nan Kawng siam hnatlangpui an neih ni hian phai lam atangin nitin lirthei lian an rawn tlan luh loh nan Silchar Truck Drivers Assn hruaitute hnenah ngenna an thlen tawh thu an sawi bawk.

<><><>

CHAMPHAI RAIN HAVOC

Nimin leh nizan thlenga Ruah nasa taka a sur avangin, Champhai khawpui chhung hmun hrang hrangah leimin nasa tak a awma, hei hian nunphung ati buaiin inkal pawh theilo in hmun tam tak a awm phah a ni.

Champhai district bawrhsap, Pu Mohammad Aaquib, Champhai District -District Disaster Management Authority Chairman, ni bawk chuan Champhai District huam chhunga zirna in zawng zawngte chu Sikul naupangte him zawk nan vawiin khan a khar tir a, Champhai Bawrhsap-in chhiatna thlenna hmun

te a tlawh kualin a enfiah a. Harsatna awm mek chinfel dan tur te an sawiho nghal a ni.

He hunah hian Bawrhsap hian Champhai Vengsang Hospital Road a kawng min te, MPRO Road leimin, Assam Rifles leimin, Champhai Kanan leh Bethel Venga leimin te a tlawh a. He hunah hian khawtlang hruaitute leh Department aiawh ten Bawrhsap hi lo dawngsawngin hmalak dan tur hrang hrang an sawiho a ni.

Champhai khawpui chhunga kawngpui hnawhtu leimin chi hrang hrangte chu thenfai hna kalpui mek a niin, Champhai atanga Aizawl panna kawng pingte pawh a tahtawla thenfai fel an ni.

Champhai District a chhiatna hrang hrang te thlrho bakah he mi avanga mipuite harsatna sutkian dan tur relin vawiin khan Champhai District Disaster Management Authority chu an Chairman, Champhai Bawrhsap Pu Mohammad Aaquib a hovin DC Conference Hall, Keifangtlangah an thukhawm a.

Thutkhawmah hian Champhai District chhunga chhiatna lian tham thleng mek - NH-06 Chhungte khaw hnuaia leimin kumhlun chungchang te, Champhai Vengsanga Assam Rifles Camp atanga lei tawlh chungchang te, Vengsang MPRO Road chhan nana motor lian tlan phal loh chungchang te bakah leivung paihna chungchang te sawiho a ni.

He hunah hian Zonal Officer ten an bial chhung theuha chhiatna thleng hrang hrang te an report a, Department hotu ten an department kaihnawih theuh report an pe bawk. Champhai District chhungah hian May ni 30 atang khan chhinchhiah theih chinah leimin hmun 265-ah a thleng tawh a, leimin avanga in chhia 15 awmin, leimin vanga thi mi pathum leh hliam pahnih an awm tawh a ni.



SAMVIDHAAN HATYA DIWAS

BJP Mizoram State Spokesperson Pi Lalremsangi Fanai chuan kum 1975-a India ram Prime Minister Pi Indira Gandhi in Emergency a puan thut zan chu India ram tan zan lungngaihthlak a ni a ti.

Vawiina Akashvaniin a kawmnaah he thu hi sawiin Pi Lalremsangi Fanai chuan Emergency puan a nih lai hian mipuite dikna chanvo, Fundamental Rights pawh mausama a awm thu a sawi a. Mizoramah pawh chutihlai chuan mi eng emaw zat man an nih thu leh jail-ah hun rei tak tak mi an tan thu a sawi a.

Politics ngaihtuaha ram hmabak ngaihtuah thin mi tangkai tak tak te pawh Maintenance of Internal Security Act hmanga man an nih thu a sawi a. Kha hun thima la piang lo thalai tam tak an awm tawh tih sawiin chutihruai chuan hun thim tak chu hre reng turin mipuite a chah a. Khatiang hun thim kha India ramah thleng tawh lo se a duh thu a sawi a ni.



Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



BY-POLLS RESULTS

State 4-a assembly bial 5-a by-election neiha vote tlate, vawiin khan chhiar a ni a, Gujarat-a Kadi seat-ah BJP candidate Rajendra Kumar Daneshwar Chavda-a’n amah hnaih bertu Cong candidate, Rameshbhai Chavda chu vote 39,452-in a hneh a, Visavadar seat-ah Aam Aadmi Party candidate, Italia Gopal-a’n amah hnaih bertu, Kirit Patel, BJP chu vote 17,554-in a hneh bawk.

Punjab-a Ludhiana West assembly bialah AAP candidate, Sanjeev Arora a tling a, West Bengal-a Kaliganj seat-ah Trinamool Cong candidate Alifa Ahmed tlingah puan a ni a, Kerala-a Nilambur bialah Cong candidate, Aryadan Shoukath-a chu tlingah puan a ni bawk.



SYRIA CHURCH ATTACK

Syria rama Kristian Biak In pakhata nimina thih chilha bomb tihpuahah mi 22 an thi a, midang 63-in hliam an tuar bawk. Tun hi kum engemawzat kaltaa Damascus khawpuia Kristian Biak In beihna thlen hnua Kristian Biak In beihna a thlen leh vawi khatna a ni.

Thudawn danin, pawl khawihna thlenna hi Dweilaa venga St. Elias Orthodox Biak In-ah a ni a, mi pahnihin luh chilhin inkhawm laite chu silaiin an pawng kah a, kawngka bulah an bomb pai an ti puak bawk a ni. Syrian Observatory for Human Rights chuan thi leh hliam zingah hian hmeichhia leh naupangte pawh an tel tih a sawi.

